



Rudnik mrkog uglja "Đurđevik" d.o.o. - Đurđevik

Broj: 03-1163/26  
Đurđevik, 04.03.26

Na osnovu člana 70. stav (4) Zakona o javnim nabavkama Bosne i Hercegovine ("Službeni glasnik BiH" broj 39/14; 59/22; 50/24), Zapisnika o ocjeni ponuda od 24.02.2026. godine i člana 48. Statuta Rudnik mrkog uglja "Đurđevik" d.o.o. - Đurđevik, Direktor i Prokurista Rudnika mrkog uglja "Đurđevik" d.o.o. - Đurđevik, donose:

### **ODLUKU**

o poništenju postupka za javnu nabavku robe  
**Plastični eksploziv Ø90mm**

Nakon provedenog Otvorenog postupka za nabavku robe: **Plastični eksploziv Ø90mm**, a obzirom da nijedna od primljenih ponuda nije prihvatljiva, postupak se PONIŠTAVA u skladu sa članom 69. stav (2) tačka d) Zakona o javnim nabavkama BiH.

### **OBRAZLOŽENJE**

Po obavještenju o nabavci za javnu nabavku robe: **Plastični eksploziv Ø90mm** broj obavještenja: 350-1-1-24-3-65/26 objavljenom na Portalu javnih nabavki dana, 29.01.2026. godine, Tendersku dokumentaciju preuzelo je devet ponuđača, a što se vidi iz Izvještaja o preuzimanju Tenderske dokumentacije, kreiranog dana, 19.02.2026. godine.

Rok za dostavu ponuda bio je 19.02.2026. godine do 12:00 sati, a javno otvaranje ponuda je zakazano za 19.02.2026. godine u 12:30 sati u prostorijama Rudnika.

Na osnovu poziva i Obavještenja o nabavci svoju ponudu u datom roku je dostavio slijedeći ponuđač i to:

1) Ponuda sa prijemnim brojem 19-912/26 od 19.02.2026. godine,

Ponuđač: "BEAT BH" d.o.o. Živinice

Javno otvaranje ponuda je dana 19.02.2026. godine u 12:30 sati izvršila Komisija za provođenje postupka javne nabavke imenovana Rješenjem direktora i prokuriste broj: 03- 419/26 od 26.01.2026. godine.

Zapisnik sa javnog otvaranja ponuda je dana, 19.02.2026. godine dostavljen ponuđaču.

Komisija je izvršila uvid u ponudu te konstatuje slijedeće:

- Ponuda ponuđača "BEAT BH" d.o.o. Živinice je **nepravilna** jer nije u skladu sa Tenderskom dokumentacijom.

Naime, ponudač nije u svojoj ponudi dostavio dokaz o antistatičnosti ambalaže, odnosno Stručno mišljenje Ex-komisije BiH da je ambalaža u kojoj je upakovan eksploziv izrađena od antistatičnog materijala, a što je traženo tačkom 5.8., Aneksom 2. i Aneksom 2.a. Tenderske dokumentacije.

Na osnovu preporuke komisije, direktor i prokurista donose odluku kao u dispozitivu

### Pravo žalbe

Ponudač koji je učestvovao u postupku javne nabavke po ovom predmetu i koji smatra da je Ugovorni organ u toku postupka prekršio jednu ili više odredbi Zakona o javnim nabavkama BiH, ima pravo izjaviti žalbu na postupak, na način i u rokovima utvrđenim u članu 99. i 101.  
Žalba se izjavljuje URŽ-u putem Ugovornog organa u pismenoj formi u roku od 10 dana od prijema Odluke o poništenju.

PROKURISTA



Dr.sc. Nurdin Čehajić, dipl.inž.maš.

DIREKTOR



Dr.sc. Almir Šabović dipl.inž.geol.

DOSTAVLJENO:

- ponudačima,
- arhivi.